

論陳提刑改除不宜取解由事狀

伏見尚書省奏擬山東東西道提刑按察使陳祐簽
中興等路行尚書省事就令本司取無粘帶解由前
來恭詳見設按察司五道據祐忠直剛果毅然有為
脫畧苛細務明大體凡所興除民安吏畏風采所加
百城震肅以聲迹比量最為稱職兼山東東西阻山
負海地廣物衆連年蝗旱軍民不安所仰祐等以之
鎮靜今祐所除名雖相列其實左遷若向前代官苟
非其人是一道監司殆虛設耳憲臺理合開陳可否
以之執奏別議選注外據取解由一節照得舊例凡
省除官例除者止是給據別無取解由體例且按察
官係朝廷耳目之使以按劾糾彈為職不同州府

掌管事理今也擠同有司一例取解由赴省似為非
體乞一就定奪據此合行舉呈

論五品以上官殿授事狀

訪問得舊例五品以上官得除者殿授皆奏謝六品
以下官於嚴祗門授而無謝禮今者內外大小官員
其宣命勅牒皆於中書省授祗受似有未當者且三
品至五品官僚職掌雖分內外俱係
國家係重臣子而

朝廷誠不可不察視其人之邪正能否也昔唐太宗
將都督刺史姓名疏於屏風欲坐卧觀覽得善惡之
跡注於名下以備黜陟至玄宗將已除職官延之內
殿詢訪治道然後諭遣至人人感激莫不各以名節

自奮故貞觀開元之治號稱隆平今後合無將五品
以上官員盡令 陛見祇受

宣命使人人躬被

恩寵於朝抑且革去僥倖非妄之徒外據六品以下
官員且於中省祇受權宜門授之制如

殿廷定立然後別議施行

論貧難軍合從所屬定奪事狀

切見天下新舊軍戶極有生受難以應當者如貧難
年老單丁女戶消乏者是也至如新簽軍人近年上
司畧行分檢難易不堪者却行收係為民二千餘戶
况在前年分舊軍中間年老單丁女戶消乏貧難數
多獨不分間優恤何事情一體而舊軍偏重如此蓋

有司之不省故也其最可傷者如貧難等戶往往陳
告經年累歲了無投向如告到總府府司止備申兵
部部即曰非我當問即行下令申合屬本路依准申
覆樞密院院即曰我主調發但恐闕少正數而已仍
散押入案亦別無定奪恭詳雖使貧難軍人無所控
訴而軍前氣力亦不濟用是軍力又難上下既無分
解兩相耽悞今畧舉懷孟路舊軍李用姚三秦義等
三名俱各單丁年八十餘歲無人供給逐日沿營乞
食應役向申樞密院不蒙明降其秦義近於軍前因
病身故本路又將李用等三名申詳兵部又行下令
申合屬別無定奪此明驗也今檢會到唐制健兒在
軍皆有年限更來往為頗勞敝又諸軍鎮量閒劇利

害置兵防健兒於諸色征行人內及客戶中召募取
丁壯情願者充健兒常住邊面者每年加常例給賜
兼給永年優復其家口情願去者聽至軍州各給田
土屋宅人賴其利中外獲安是後州郡之間永無徵
發之役又舊例諸軍健年六十者罷役如秦義者八
十老人使之守戍禦敵何所賴其勇健哉今後合無
應資難軍人陳訴許從合屬受理定奪勘當的實准
復寬減差役或別議優恤庶免致靠損人難進退無
據不然請依分間新軍體例將貧難極生受者亦從
長定奪似為安便外據闕少合補之數官為召募情
願者聽仍優復其家口遇有戰功普例給賜如此可
以收壯健而活疲民其為惠恤小民豈不倍於尋常

萬萬也據此合行舉呈

薦臺掾趙文昌事狀

切惟臺之為司以禮法繩官邪用儒術飾國事近世
以來文學之士專尚才華少諳吏業一旦從事鮮克
有為苟有盡心誠可嘉尚切見前濟南副提學趙文
昌自為臺掾強幹有稱夙夜在公精研政事以儒有
飾吏之材養氣負嫉邪之志求之等倫誠難多得今
去繁居簡明見甄獎若臺司將來闕員如文昌者誠
宜擢用必能不負所學克堪所任儻升霜簡之流尤
厲素餐之 某今當去職有見不言實為負責據此
合預申薦

舉左丞姚公克經進等職狀

伏惟

朝廷凡有大政大議必須

清問故老茲蓋詢詰黃髮恐有所憇之

盛意也切見前中書左丞姚樞

潛即舊臣中朝元老生平以聖學為心輔政多嘉

謀入告近簽南省為衆牽持固伸所懷今年雖耆艾

精力未衰謀猷論議足有規為未宜聞退使後事功

至於侍講經筵監修

國史保傅

儲闡承旨樞密實為克懋負荷必能進盡忠嘉有所

廣益兼翰院集賢等員如

許寶二公者已蒙

恩眷如有此體例合行舉言者伏乞

憲臺詳照施行

論衛輝路不置通管竹課事狀

切見衛輝路見管竹課據所該地面懷洛嵩汝唐鄧
徐邳益都泰安等處方圓萬有餘里其實難以勾赴
今止令衛輝總府並隸管領擬辦課程不致虧冗失
悞叅詳極有未便者蓋衛輝路分徵小當四衛驛程
民訟課差諸軍與魯一切課程等事比之他郡百倍
其劇今又將諸路竹課並令管領雖極慮盡心勾當
決有力所不及去處又緣竹雖官貨實係經商交易
不同商稅認辦宣課事體至於斫伐有時搬運有法
價值低昂使官民兩便自非通知貨殖善於理財者

鮮能首尾相應彼此皆辦兼上項有竹地面必須差設監司巡竹等官吏又令聽受本道節制前去各路營運其間交關往來其路分既平牒衙門而監巡皆差委客寄少有蹉跌輒成沮阻與其廢力如此何若各令所在總府兼行管領以為長便又照得瀆樂清滄解鹽依舊專設司事恢辦合無將上項竹課亦另行設立監司同鹽場一體管領勾當庶氣力專一終是易為責辦今省部若不如是從長別行定奪將來衛輝官府不惟因此負累其所辦課程儻有虧兌失悞深係利害據此合行舉呈

儒士楊弘道賜號事狀

伏念高尚之士無代無之

國家必遂其素志賜以處士先生之號蓋其材學節義可高足以勵薄俗而敦風化故也切見益都路耆儒楊弘道文章德業師表一世至於賦壇項年徵功經營海道欲遂奸計先生預有所見發為歌詩聲言不可今行年八十有三窮若守道垂老丘園誠天民之先覺清時之隱逸也合無照依莊靖李公恩例乞賜處士先生之號以表其康節且令本路歲時常加存恤

請職官依舊三十月速轉事狀

切見即日到部聽除職官緣員多闕少填積停滯人數以致進退兩難有礙銓調似失才能樂於從政之

望深有所未便者至如
尚書省奏准令大小職官皆以六月為一考蓋出
一時權宜本為收拾戶計等事恐考限短促中間不
能盡心勾當而已近聞隨路戶口事理已是檢括版
籍見數別無隱落若止擬六月成考歲月既久則
官府人情不無厭怠輕易之弊又於選調有所窒礙
據時之制似宜復舊合無
聞奏復依舊例三十月為滿考選調無得通行庶官
免致開曠實於官民兩得便當

彈劾劉汝翼事狀

今體察得中路教授劉汝翼今月初七日於崇孝寺
與提學楊榮因議事間用言侵犯遂將楊榮輒行毀

詈及攬粹髯鬚至於脫落却行私下勸和恭詳教官
為人倫師表宣明教本訓導生徒為任乃劉汝翼者
克悍荒醜凌犯官長為細人所不為既傷儒風大失
士體使京師首善之地何所矜式遴選師儒以代其
職據此合行糾彈

論隨路闕員及未列任官員事狀

切惟張官置吏本以為民官得其人員不曠闕庶得
民安事辦今體察得隨路見闕總管八員正從七品
二百七十餘員兼州縣省併以來所轄地面極有寬
濶去處加以蝗旱大作民心嗷嗷似為未安况兗兆
平陽太原濟南等處皆係重鎮尤不可闕員勾當合
無遴選才德兼備素為

朝廷所知者擬注總管及州縣被災重處員闕多者
省部從長講究於見守遠闕官內選摘或令內外五
品以上官辟舉廉幹相應人借注補充勾當又知得
四月中受除官員已踰兩月尚有未到任者五十餘
員亦當作急催督別議究治不然切恐中間規避致
悞一方事務又於

國家法制有所臧裂合行一就舉呈

為起蓋良鄉縣南留里河橋梁事狀

會驗中書省條畫內一款該若有利害可以興除者
申臺呈省遵此切見中都係迤南四方官員客旅
朝會經行驛程正路近體知得良鄉縣南十三里有
舊來經由留里河橋官道南至涿州六十里兵革以

來橋廢不行目今靠西由縱陽套遠轉至涿州七十
五里若經夏秋河水泛漲灣泥虛陷致使舖馬客旅
來往生受兼縱陽套地卑下村坊遠窻接連溝澮
屢常失盜深為未便竊詳若依舊起蓋留里河橋道
不唯道路高平徑直使舖馬客旅往返近三十餘里
又免水潦灣泥盜剪之患官民實為兩便伏乞御史
臺備呈中書省行下相視起造施行

益津縣尹張英非違等事狀

今察到益津縣尹張英自到任以來甫踰兩月其逐
節非違為私憲害等事開具于後據此合行糾彈

一縣尹張英到任至今兼掌尉印凡失盜二起

明有窟穴顯跡不即督勒弓兵嚴限緝捕

却為擗問失盜李鄭二家親屬及勒要訖
事主王伯英自願不行申告文狀其縱滋
盜賊以有為無匿而不申度其主意止恐
不獲停罰月俸本縣民心因此失望其張
英字民之官務在肅清所部盜賊消弭方
為稱職今所行如此非唯違錯實為以私
滅公

一前益津縣尹張文郁主簿李璋使訖搯折粟
鈔三十餘錠其張英明知前官侵使官錢
不即依理舉問又不正約本官申明使州
知會於九月十九日反行送出還家去訖
及發下馬馳一千餘匹已悞料粟總于十

月初十經隔二十餘日不由所管上司擅
自赴府而越言上說稱前官張有郁並不
交代往豐閏去訖乞勾追發下依理交代
及總府退訖月申縣解却就都于州司吏
李讓處說取本州空解依前申覆切詳上
項事理非惟失悞支持事屬欺罔詐冒兼
張英係監臨之官知代官有犯故不舉問
送令還家其徇私害公孰甚於此若弗糾
治切恐因而循習別生事端所據前項事
情就問得州吏目王文進司吏呂仲榮與
所察相同

一霸州益津縣分俱該河流陂浸地面其驛程

係山東要路中間津梁最為急務又照得
省劄修理橋道事明該簿尉闕員委自己
上正官兼管及令長官檢校其縣尹張英
將本縣合修橋道堤口畧不省問止委弓
手盧得用官領工役致使人夫逃散冬月
寒冷修疊不能了畢使經行人員罷役城夫
及發下馬駝蕩涉冰水人幾有漂沒者就
問得縣達魯花赤舍里甫丁吏目王文進
與所察相同其於公不幹違錯怠慢如此
不可臨民

一守令百里寄命苟非其人則一方被害其張
英性荒嗜酒昧于事體又秉酒縱暴不居

公解將公使人符首領等非禮毆擊致有
逃避之者及本州行下事理如橋道見禁
等事往往違拒輒不申報至於縣司所行
或不應者典吏報覆畧不聽從恃賴曾為
部掾蔑視上司如委棄尉印令弓手張典
掌管將舍里甫丁私人烈石立為巡捕
祇待官見於煎茶舖勾當其恣意亂行如
此致將公務窒塞兩耽非止一事兼張英
前任唐縣其部民告發不公等事上司未
曾歸結不審緣何依前遷除益津縣尹勾
當合無一就究問

彈左巡院官休和趙仲謙事狀

今體察得趙仲謙於至元五年十二月內詣中都左
巡院告王四打死妹趙喜蓮事其郝警使馬警判蕭
典史提控張仲禮將被論人王四不行撲捉到官及
在都見有干證人亦不勾喚虛調行遣及將潞縣取
發到干連等人並不與元告被論當官對問縱放還
家其事主趙仲謙見為巡院故意遷延再行告到
總府并右三部行下巡院其巡院官吏止是依前虛
調行遣並不理問却於今年二月二十日有郝警使
沈警副等當廳公然省會元告被論人等與限二日
勸和了者切見巡院係京畿親民正廳務要禮義興
行肅清所部據前項違錯事理合行糾彈
為添科南京不任差戶事狀

切見南京路兵興以來百色所須盡出民間如挑河
運糧和買和糶採打木植造作船隻器甲等事三年
之間畧無寧息加以蝗旱相仍物價湧貴其被災去
處至今有闕食者而賑濟
天恩又不霑被中外罄罄財殫力困已是生受又即
目重痛比之去歲滋徧極多近體訪得今歲將本路
新收二萬四千餘戶盡行添科差發須管不失元額
却緣照得上項戶計內一萬餘戶俱係交泰重抄老
疾不任差下戶切恐絲銀一出別致逃竄將閔下差
發必洒於現在戶數可數元額如此是百姓重併轉
增困斃兼日今衰漢未下攻取之本首仰河南據已
困之民為

國計者誠宜深慮撫摩存恤得小利為易固邦本為
重合無欽依近奉
聖旨減免益都差發

恩例再行勘當堪與不堪從長定奪

聞奏施行據此合此合行具呈御史臺照詳施行

為除豁河南屯田戶差發事

切見河北路分新簽軍戶省部將元當盡數除豁了
當今體知得南京路屯田戶計相近二萬方其絲銀
止除訖正額餘尚趨下數目却令現在民戶包納即
日本處軍馬調度百色所須民力已是生受更將額
外絲銀敷納切恐靠損不安合無依見起新軍差發
一體除豁以望百姓蘇息不致因而重困

為劉古乃打魚事

切見雄霸武清等處魚官劉古乃所管專一打魚人
戶七十六戶每年納魚二千餘頭自去年納至五千
四百餘頭比舊數增一倍之上儘供官司用度今體
知得歲納魚數增至萬頭切詳雄霸等處俱係河泊
斥鹵地面其間貧難人戶別無營產止仰捕魚為生
應當一切差役又兼依例認必課程其古乃每年於
民間抽分魚貨已是侵擾今來本官為增數及萬陳
告上司將應有河泊蓋拘屬官禁絕諸人不得採捕
就問得魚戶趙知事與所察相同若依上項所告不
惟下奪小民衣食而於
國家賑恤貧難之意大相乖違又兼天地生物有數

歲取萬頭不幾于竭澤乎據古乃所請理宜裁抑合
行舉呈

秋澗先生大全文集卷第八十七



秋澗先生大全文集卷第八十八

烏臺筆補

彈趙春奴不孝事



今察到在都薊寧坊人匠趙春奴將伊親母阿焦生
不奉養棄絕在外餘二十年於今年五月內客寄患
病有伊母親妹梁阿焦遣人報知其趙春奴並不前
來侍疾至十九日夜母阿焦身死其院主陳姑兩次
專人告哀本人又不奔赴停至午轉方纔前來已是
帶酒並不舉哀又無哀經復發怨言難以穢惡又禁
伊妻不令哀哭遂將靈車用驢駕拽便行出送春奴
隨逐道中又不哭泣亦無戚容言笑自若里巷人衆
指詈不孝其逆心終不悛悔反生嗔怒先行去訖有

姨弟梁從振者告到匠官黃元帥教依禮持喪出殯
本人故將喪事畧不成禮只於當晚焚燒了當詳此
情逆世所不容今京風化之原憲臺肅清之府其趙
春奴既為人子其於母氏存歿之際泉鏡其心絕滅
人理較量惡逆孰大於斯其在
國家實傷風化據此合行糾劾伏乞御史臺照詳痛
加懲戒施行

論鈔息復立常平倉事

切惟天災莫重於凶歉國計無先於貯儲蓋儲有餘
則國用足國用足則民賴以足今天下大約公私之
間曾無蓄積以備凶年况即日自中都而南蝗旱水
澇十有餘路雖水至甚萬一失所官須存卹然不

過發倉廩免租稅重為賑濟而已此特揀荒于一時
其於經國遠圖則未也

先帝常平之制就各路已有之倉令有司預為修理
講明定法不使有名無實昔唐以稅茶等錢為義倉
之本深為便益叅詳合無亦將隨路平準行用鈔庫
工墨鈔息增餘現在等鈔分標州郡作常平粟本就
令本路轉運司兼以提舉收糶勾當續用逐年所得
錢數源源不已則三年之間百萬石之粟可不勞而
辦是常有了一年之蓄矣又會驗得常平倉國家自丁
巳年初立明年戊午宣德西京等處霜損田禾穀價
騰湧百姓缺食官為減價出糶民賴以安此先事之
效也兼安便官民其利有五且不動官本無害經費

取辦於息取息之法又無窒塞一利也歲或飢饉就未全濟使民心先安大有指擬不必家至戶到感念恩惠二利也其力穡之家又知國家貴穀賤貨務農大本使趨末之徒爭緣南畝不致有過賤傷農之嘆三利也至若軍旅調度糧餉為先比歲軍興動和糴若常平一立除屯田糧及正稅外復有百萬餘石之穀積於中而壯於外時和歲豐民無所仰權以濟軍雖調度加倍民無和糴之擾軍免闕食之虞四利也歲稍不豐平價出糶鈔本不失人賴以安使市廛之徒絕幸災貪利之心貧乏之家脫轉死流移之替五利也若夫平糴常平富人社義等法歷代相沿莫能變易能一旦舉而復行則天下幸甚所謂不害經費

為國遠圖良以此也據此合行呈覆

彈縣尉楊政事狀

體察得今年十一月內有在都住人在提領將博州人戶丁五十妻支丑女作逃婦捉拿及稱被捉支丑女時有老劉等將皮帽金經卷兒等物奪了其在提領與伊相識人大興縣現任縣尉楊政一同於施仁門關不居公廨問得支丑女不係逃婦明有根脚不容分析崔提領將支丑女繩索鎖訖分付楊縣尉收禁責逼本婦狀稱因夫丁五十赴都作夫患病前來探覷到永清縣河西務被崔提領作字蘭奚捉住賣夜強行奸污問出如此詞因其縣尉楊政並不移行有司理問枉禁支丑女數日將在提領所撫老劉等

奪訖金經卷兒等物却勒支丑女要賠鈔六貫方纔
將支丑女保出使本婦無處申訴為此就喚到太興
縣尉楊政問得所說相同除前項支丑女等一起公
事省會本縣尉司行移本縣依理施行外據縣尉楊
政係京畿捕盜正官有此違枉合行糾彈

彈馬全擅科鈔事狀

今體察到管上都路洪贊馬站貼戶提領馬全自至
元二年正月五年十月終於所管站戶劉澤等處
除正站祇應錢外擅自科歛雜泛錢鈔二錠一十九
兩九錢問得馬全招伏是實兼馬全年七十七歲老
病不任勾當合行糾彈

為收刈秋青草等事狀

照得每年和買應辦稈草不下六七百萬秤總得數
用切見燕京順天等處蝗虫水滂若全依年例和買
切恐臨時耽悞合無藉此秋間令從長計置秋青等
草如法積垛向前兼戴支持用度官民似為兩便據
此合行具呈

為私被衣甲事狀

欽奉

聖旨條畫內一款節該諸官吏將官物移易借貸者
委監察糾察欽此近於五月十三日在都百姓人等
私賽神社其人往往被執兵甲遊歷街衢前後數日
及馬有挂全副甲者今體察得上項器甲俱係在京
諸色官員人等處借到恭詳甲兵

國家重器又欽奉

聖旨已有明禁條例今來諸人冒法抵禁私假小民以爲戲劇甚非嚴制令而重武備也豈惟民不識法習以爲常因而別生事端據在都官員人等私相假借及合干部分禁斷不嚴合行糾彈伏乞 御史臺照詳懲戒施行

彈市令馮時昇不公事狀

今體察到在都前市令馮時昇於行舖人戶處取受行錢鈔六定一十一兩三錢五分黃米七石麵一百觔制府現行追賠其馮時昇却於今年四月間賚大興府保解赴部求任

省部依准將馮時昇遷除保定縣尉去訖切詳市令係八品職官其不公如此事發在官已有承伏迺於總府告稱勾當以來並無粘帶亦無過犯其大興府亦不勘當是否端的輒便朦朧保申是屬違錯外據馮時昇負罪欺官僥倖得進以之臨民何所不至合行一就糾彈今後合無照到部人員曾管領錢穀者亦於制國用使司會驗有無粘帶然後遷除庶望杜絕奸欺以厲來者

彈步站官王提領不公事狀

今體察得中都管步站官吏王提領崔把總徐令史等與自願當站百戶楊聃焦百戶等上下通同作弊於站戶百戶馮百亨等二十名處累次取歛錢物及剋落給散草料鈔取受羊酒逐節不公等事據此合

行糾彈

為在都回回戶不納差稅事狀

切見中都親官民戶每歲供給和買夫役一切等事比之他路實為繁重今體察到本路回回人戶自壬子年元籍并中統四年續抄計二千九百五十三戶於內多係富高大賈勢要兼并之家其興販營運百色侵奪民利並無分毫差役照得欽奉

先帝聖旨節該幹脫做買賣畏吾兒木速兒蠻回回交本住處十戶百戶裏去若若稱有田產物業不去呵依以前

聖旨體例裏見住處不揀大小差發舖馬祇應與民戶一體當者欽此合無照依累降

聖旨處分事意取會見數分豁定奪驗實有氣力與民一體當差庶得協濟不致靠損貧乏據此合行糾呈施行

為陝西鄭縣隱戶計事狀

欽奉

聖旨條畫內一款該載不盡應合糾察事理委監察並行糾察又會到陝西行中書省文符該欽奉

聖旨節文拘刷本路外來交叅析居放良等戶若州縣官如能用心將民戶拘刷盡數到官遷官給賞如有隱藏定是降官治罪欽此今體訪到京兆路華州官司將鄭縣刷出漏籍等戶六十二戶並不申報上司私下取歛差發今問得見有華州人劉德亨並與

所察相同是屬違錯據此合行糾呈

為蝗旱救治事狀

切惟古之為國者雖值凶歉民無捐瘠困乏者蓄積多而備先具也今隨路大蝗赤地千里就使撲滅已成災傷其於貧民首先失所不無流移飢饉而救荒備患之術不可不預為計料何則今日唯先安集民心最為急務故謹具愚見二十事伏乞

御史臺詳擇施行

一隨路總官府今歲伏過

天壽節除祝延

萬壽禮數外宜權宜停罷公宴庶表

朝廷優恤元元不以己為樂也若然則雖古者聖王

聖王遇災減膳撤樂無以加此

一御河上下有糧倉分宜差清幹官檢括實有見在數目外據借貸裝散變碾及上年河運未到倉粟數督勒所司嚴限閉納其通州李二寺等處應有露囤糧斛就水潦未動亦宜許諸人搬運赴都城倉其脚價止支本色亦以實京師可便濟窮民之一端也如挨陳者其闕食無生計之家驗口賑濟不然令所在弓兵早暮兼為巡防以備

疎虞

一隨路商販積蓄之家官宜出榜驗彼中時估量添價直發賣仍禁不得擅恣高增物價

如百石以上不出糶者究治如官倉發賣其權豪富戶所糶不過十餘石若詭名轉糶者仍為究治

一隨路存留祇應銀糧如已到官者須上司明文然後動支若百姓闕食緊迫處仍作急飛申聽候許令賑濟其未納到官者盡行蠲免

一隨路站赤祇應如酒肉等物亦宜約量減免不然照依

中書省劄付與順天路事理一體施行不然則燕南二萬餘戶獨不被存卹之意也

一河間路轉運司應收到物斛不下五七萬石宜無令回易銀鈔驗元價值輸河倉使充正課以備軍國經費似為兩便不然如本路百姓缺食官定平價發賣

一隨處金銀丹錫等坑冶約五十餘所每歲穿穴淘採不無損泄陰陽之和有無合止者正以少養天地流運凝結應宜之元氣

一山林河泊之地所在皆辦外課有無權宜蠲免聽民採取以供不給兼前世已常施行稍足復禁如初

一山林原野係禁地去處如猪鹿鳧鴈雞兔之類亦宜許令打捕期以歲稍稔復禁如初

一隨路交鈔庫鐵冶所即目若有現在物斛去處亦宜取會現數仰所在運司出榜照依元價糶賣

一在都酒務開沽者應有現在稻糯官司亦宜見數權令停止醞造此等事宜亦係前世屢常施行

一捕蝗之際不以諸色等人有才能識見規畫出衆者籍記姓名事定量加賞用又嘗聞飛蝗雖難打捕遇夜即須停止於坐落厚處旁挑坑塹燃薪草使之明照四遠然後驚飛趕逐蝗自必望明投赴衆力從而撲滅此說比比得濟合無試為之行切恐亦

一法

一莊農之民闕糧食者所在官司預宜出榜禁示不得推稱病疫私宰耕牛為食如博易米粟者聽准備翻耕出曝蝗子恭詳最為急務

一州府司縣官其被災重處有能規措存恤百姓不致流移飢殍者仰按察司考覈得實申臺呈省以憑不次陞用

一急遞舖兵俱係貧難下戶若一處斷絕即時阻滯合無與中都迤北遞舖一體給與糧食養濟仰所在官司專一存恤勿致飢困逃散

一每歲應辦官草收成尚然不敷今秋穀草顯見儉少宜趁時於無蝗去處收刈秋青等草將來兼帶支持用度

一莊農之民所認六色課程如酒醋等課今蝗早如此有無權時停免或從實結辦稍安復舊如初

一隨路州府宜建立社稷禘神壇廟令有司歲時致祭亦憫恤為民之一事也

一隨路自省減併隸州縣以後極有寬濶去處或有尉處多係主簿兼攝至有尉簿全闕去處如山東州郡所在雖有專尉其地廣物衆委係難于照管又體知得

省部亦為此事先於東都路已行添設專尉了當今蝗旱災重如此百姓罄罄切慮迫於飢寒勢必多有盜賊不無生事驚擾宜約量隨路緊要地面添設巡檢使之鎮遏巡防以備不虞及邨堡設置鼓面遇有警便互相應護

一隨路如富戶有力之家能周贍貧乏或設粥糜于道以濟流民至千人以上者官為旌賞或聽一子臨官

彈馬仲溫橫斂錢物事狀

今察到在都曲河坊坊正馬仲溫因刷問逃軍於人戶取訖寶鈔一十一貫八百文緣兩廂七

十餘坊凡有事務不無騷擾合行糾呈

彈忽都魯阿散不赴任所事狀

今察得淄萊路長山縣達魯花赤忽都魯阿散前來中都部夫勾當至十月初罷役本官不行還職令女婿馬合馬等於本路關訖自十月至十二月終俸鈔若不糾呈緣忽都魯阿散係請俸親民職官到今八十餘日不行還職據此合行糾彈

彈王千戶冒名代軍事狀

今察到守把棗陽萬總管下千戶王仲賢至元六年八月內前來中都取發軍人其本官將合起正軍六名不令正身應役却行要訖錢物冒名替代今就責得本官下提控李德唐指證並與已察相同合行開

坐糾呈

彈益津縣尹張文郁侵使鹽價事狀

今察到霸州益津縣前縣尹張文郁主簿李璋於至元五年支不盡鹽折粟內侵使訖鈔三十三定三五兩為此就問得州司吏杜唐佐並與所察相同據此合行糾彈

為太廟中柱損壞事狀

今體知得太常寺申都城所呈相驗到太廟中心等柱損壞訖一十四條訪聞先為劉晟監修太宮完備特注朝官重加賞賚今者未及數年朽壞如此顯見當間滅裂多不如法設若舊柱不堪自合改用新林枹壯麗今省部雖令劉晟用木填塞了畢終非可待

歲月理合治罪以彰其咎至如太常寺近為經夏暑濕告出曝神室中蠶蜀有司尚恐褻瀆不從所請彼修補動作之際其震驚神靈叱之曝曝褻瀆實為加重外據不經奏請即令劉晟修補震驚神靈事屬違錯合行一就糾彈候旨奪

為優恤襄陽軍人事狀

伏見中統建元詔條內一款節該凡征進軍人臨陣而亡被傷而死者其家屬理當優恤仍仰各路宣撫加恩致祭量給衣糧優恤其家欵此又漢唐舊制軍士死者致祭更為衣裳棺斂轉送其家今聞圍守襄陽軍人經值今夏疫癘致有死亡俱係沒於王事誠

當推恩矜憫有無照依已行事理或今所在官司送還其喪外據氣力孤弱之家取會見數量加優恤非推激厲將士實恩慰民心感召和氣之一端也

為懷孟路新民不便事狀

切見懷孟路新民三千餘戶雖依居六處終瀕近大河又不在本路節制之內已是未便兼所管鄭汪等頭目俱係宋人中間官民恒相告訐輒生事端無歲無之又訪聞得修武縣新民見發奸細利害等事此其驗也設若狂妄無實人情詭碗終是不安合無將上項戶計隸屬本路管領其舊管頭目依例與管民官一體遷轉不然於職官內選素有威德足以鎮撫為總管亦是一便蓋往年已曾令李同知宗傑於上

安撫勾當一任之間特然安靜此非其效驗乎據此合行具呈

彈兵馬司擅自鞫斷事狀

切見在都兵馬司設馬步軍五百人係專一警捕衙門自去年至今年三月終強竊盜賊計六十餘起致有殺傷事主劫掠財物及本司公廨下為盜者蓋當該官兵不為用心滋多如此三限不獲行下取招並不回報其都轄上司縱令滅裂虛作行移亦不申明賞罰是作過之人無法可畏教之公行也都城輦轂之下庫藏倉廩諸所在萬一窺竊深繫利害又間有敗獲賊徒除事關權勢不能歸結者方纔申上自餘無問輕重輒便鞫問斷遣豈惟侵司越職竊弄

威權但恐中間奸弊日滋實為害事兼是司自來並無因繫鞫問斷遣之理今後有無止令兵馬司據應獲盜賊畧行取問即便解府歸結施行外據失盜起數已獲者賞未獲者罰如此庶望上無縱恣虛行之實下革違錯自專之弊賞罰既明民知所畏京畿之間不待歲月作過之人將自消弭據此合行糾彈

彈大興縣官吏乞受事狀

今體察到至元六年三月內有施仁關娼戶魚王嫂赴大興縣告稱男婦阿肖欲行私遁還家想見別有奸事有周縣尹并司吏張榮祿將阿肖枷收輒行推問指稱在曾與劉和尚安三通奸隨即撲捉各人不見却將平人劉貴劉慶甫監收至當月二十一日有

周縣尹將魚王嫂劉貴巷長張仲義等公廳省會傷和了者至二十五日有魚王嫂要訖親家尙大買休鈔一百四十兩及劉貴安三劉住女休和鈔九十兩當官有本把張榮祿取要訖劉貴等家錢物鈔三十兩九錢紵絲二疋又有打合休和人罷役司吏張權縣要訖安三鈔一十五兩祇候人馮首領董面前要訖鈔九兩打合人韓大處見收鈔一十七兩有周縣尹教休和了當為此喚到司吏張榮祿等畧行問得是實就追到鈔六十三兩紵絲二疋贓狀至甚明白據本縣官司止合依理歸問阿尙不合背夫欲行私自還家罪犯外據想見別有奸事一節係是稱疑詞因別無可驗顯跡依例不許經告官司便行推鞠

令阿尙招說曾與劉和高安三通奸輒生事端亂行撲捉搔擾收禁兼魚王嫂娼優之家官司不為詳審致令當行令史收受錢物為無憑據休行省會休和如此開閉倖門撓亂公法事屬欺枉合行糾呈

彈良鄉縣站官私取工俸事狀

今體察到良鄉縣管站官王提領等至元四年至元六年於站戶納到祇應錢內侵支訖鈔數為此就責得司吏王仲筠狀供管站官吏於至元四年至元六年祇應錢內侵支訖鈔八疋二十五兩五錢據此合行糾彈

為孫彈壓代軍事狀

今察到左衛親軍總把張大亨下彈壓孫旺至元七

年二月代替訖哨馬劉本戶軍役周歲雇軍絲一千兩已得訖絲一百兩就取問得孫旺招狀是實據此合行糾呈

彈固安州尅官吏尅落鹽折粟價錢事狀

今察到固安州官吏將至元三年鹽變粟數作至元四年鹽粟見在報過大興府依已報四年粟價每石四錢伍分追鈔其固安州却分出三年粟數依當年粟價每石六錢追鈔為此就責司吏張安仁狀供當元係司吏于仲淵等將三年支不盡粟六千四百四十四石二升作四年見在報過在後總府依四年粟價每石四錢五分追要鈔數此時照出三年粟數并價值于前州官劉州判處商量蒙擬定三年粟數止

依當年粟價每石鈔六錢追收見收到鈔二千七百兩五錢四分得此文狀扣算得三年比四年粟價每石多鈔一錢伍分計多餘鈔一十九定十六兩六錢據此合行糾彈

彈東安州官吏尅落鹽折粟價錢事狀

今體察得東安州鹽折粟價至元三年每石六錢至元四年每石四錢五分除起納就支喂馬駝外至元三年見在粟二千六百九十二石至元四年粟八千八百七十五石五斗二升一合七勺有司吏李讓將三年粟數併作四年見在申報在後大興府驗已報四年見在每石徵鈔四錢五分其當該司吏李榮并提控楊守榮却將至元三年粟數依當年每石鈔六

錢追收比四錢五分餘徵鈔八定三兩八錢畧問得
司吏李榮招狀已取到三年鈔折粟一千五百四十
石六斗五合計餘徵鈔四定三十一兩九分據此合
行糾彈

乞徵問取牧馬地草粟事狀

今察到琢州站膠占牧馬地內有熟地二百七十七
頃二十二畝每年召人租種每畝收粟三升稈草一
束為此取到管站官提領馬仲祥呈並與所察相同
今扣算得上項地畝每年計取粟八百三十一石六
斗六升稈草二萬七千七百二十二束且自至元三
年為頭至今四年計粟三千三百二十六石六斗四
升稈草一十一萬八百八十八束據此合行糾彈

彈東安州司吏不公事狀

今察到東安州刑案司吏張芮賊濫不公為此就責
得張芮招狀於至元四年十二月終劉仝等處免刈
葦草要訖鈔四兩伍錢至元五年免放李守政解鋸
夫役要訖鈔三兩至元六年七月於娼女常海棠家
內飲酒逐件是實即追到鈔七兩五錢再將本人審
問無寃斷訖二十七下勒停了當今將上項鈔七兩
五錢隨呈解去伏乞 御史臺照詳施行

體訪保申令史曹士良狀

訪問得曹士良隻身於在都銅馬坊寄居住坐於今
年六月內前往上都至今未回今就問得左巡院司
吏張仲禮稱當間係燕王位下趙二奉

御對警使警判保舉曹士良係真定路附籍人戶儒吏俱通以此准憑轉保申府了當今來切詳既大興府令本院踏逐通經史令史一名自合公選可應之人其左廵院官却行徇情轉保訖自來素不諳知人員事屬違錯據此合行一就糾呈

彈琢州站官私使祇應錢事狀

今察到琢州管事官劉提領等至元四年至元五年於站戶納到祇應錢內侵支訖鈔數為此就問得次官提領馬仲祥稱本站官二員吏三名於四年五年祇應錢內侵支訖鈔一十二定是實據此合行糾彈

彈趙州平棘縣尹鄭亨事狀

今體察得趙州平棘縣尹鄭亨自到任以來聲跡至

甚不佳本官酗酒狂為連結朋比遊行私家無日不飲及求娶娼婦展散不公挾弓放彈損傷人目如此非違事理就問得本州司吏王柔張才稱與所察相同合行具呈伏乞御史臺照詳施行

一本縣西關開門戶娼婦邢絨哥其鄭亨私先往來於今年七月內求娶為妻照得舊例監臨之官不得與部下百姓交婚雖會赦猶離之况娶娼女戶主為婚參詳縣尹字民之官務在肅清所部禮義與行今所行如此事屬污濫

一自到任至今別無可稱聲迹與本路扇趙史提控王太醫靳提控日逐朋從遊行私

家飲酒無度如今春北寺救火其鄭亨
乘醉執持棍杖沿街驅率人衆致將小
耿打傷頭面衆詳應救而不救自有條
禁罪名豈得恣為毆擊亂行無法足見
居官素無政體事屬違錯

一於今年春今在縣祗候人屈首領引宅司鄭
都管於縣西村分發訖馬尾羅兒約三
百餘箇每箇要白米一斗無米斂鈔一
錢肆分其公然展散無所畏避事屬貪

鄙

一今夏捕蝗自佛寺為頭迤西村分所至輒取
要雞酒每飯殺雞數隻且天災如此農

民替替困於捕役當此之際其鄭亨恬
不為意飲酒食肉以悅口腹其為不恤
無重於私

一去年夏挾弓放彈將縣民曹博士左眼打傷
致令本人損傷訖一目無所告詣照得
放彈及投瓦石在庶民猶有明禁詳此
縱或誤傷亦無一方師帥民所具瞻挾
彈行遊彈射鳥鵲而為少年童子之事
是為不應合行糾彈

薦濟南士人楊從周事狀

蓋聞為國所重必在得人報恩之義莫大薦士今體
訪得濟南士人前監察御史楊清卿孫楊文郁天姿

雅厚而有文子史羣經多所浹洽今年近強仕經明
行修不求聞達侍庭闈以蔬水悅親居鄉里以教授
為業傳箕裘於三世罔墜先聲藹聞望於一方式敦
薄俗誠當代之孝廉士林之挺特也儻蒙省錄必有
可稱不惟激勸士夫進學之心庶幾媿奔形勢者於
肅清風化似不徒然謹具狀舉聞

彈中翼軍騷擾百姓事狀

今察到中翼侍衛親軍楊千戶崔百戶高彈壓下軍
人自至元五年八月前來武清縣北鄉等處於民家
安下每日取要飲食及遞互斂索馬匹草料至甚騷
擾不安稍不應付恃賴衆力輒發惡言恐嚇侵凌無
所不至每年直至來春三月方纔起離雖曾陳告縣

官不能禁制使當差平民無所赴訴深為未便今就
問得本縣東至孫家務西至牛人南至召香二十餘
邨及取到百戶梁仁主首趙伯昌社長田祥等狀供
與所察相同據此合行糾呈

彈漕運司差委官非理騷擾事狀

今體察到漕運司同提舉下委差唐古張千戶等於
今年正月間騎坐舖馬三匹前至武清縣北洪濟鎮
將本鎮主首張聚等用繩子拴縛打拷非理取要飲
食等物就責得張聚等狀供與所察相同看詳本鎮
不係站赤路程遇有使客舖馬飲食皆取自民間而
漕司官吏每年不時經過其唐古等恃賴本司形勢
如此縱暴不公非止一次畧取今次強拉要訖物件

并多取訖飲食數目合行開坐糾呈

彈李二寺倉損壞官糧事狀

今察到李二寺通濟廣濟二倉見在糧粟用露囤收貯其倉官不為用心以致倒塌訖露囤五十八座並不修理損壞官糧計九千八百餘石據此合行糾彈

彈右巡院准攔王得進事狀

今察到在都西曲河坊丁阿齊女心哥召到弘河人戶王得進弟玉千奴為婿於至元六年十一月內為病臥于積糞團標內凍餓身死並不停喪依理埋殯恐鄰佑知覺比及天明擡擗出城燒場了當其丁心哥亦不持服於今年五月內有母阿齊接受訖本家安下數年今平準庫劉大使財錢鈔三定金子六兩

為妻了當又買與丁心哥女婦一名於八月內有王千奴兄王得進具狀告到右巡其本院官吏雖判勾行並無取責却有坊正陳提領為與丁家關親遂拆令折和至當月初四日丁阿齊與訖王得進買服物折鈔五十貫其當該司吏劉淵兩次要訖王得進鈔六兩祇候人小楊等二兩七錢於初九日接訖攔狀為此追到元行文卷及問得元告人王得進并過錢人薛仲甫張得林隨逐劉淵人劉得進俱與已察相同今來叅詳據丁阿齊圖財主婚濁亂人倫不有所天其劉大使明知違法輒行求娶其右巡院官曾不詳審俱係妄冒敗俗傷化之事輒虛調行遣並無取責却於公廳接受攔狀縱令公吏等人私下折和如

此開閉倖門撓亂公法事屬違理合行一就糾彈

論課稅戶隸總府管領事狀

切見隨路運司見管課稅戶五千七百餘戶契勘係先朝初立課稅所時將應設官吏就作本所戶計用之添重氣力協辦課程今運司已立數年其官吏及院務人員皆從

朝省擬注據此等戶計實無所籍近體訪得尚書省遍行隨路如遇婚姻田產詞訟等事令總府運司關會一同歸斷給者往往有之深為未當至如隨路與魯比之此戶尤重今已令總府管領近年以來至甚簡便合無除竈揮戶外其餘並隸總府管領實為長便

論法官沈侃陞用事狀

切見法官沈侃性端方通經旨知典故年雖耳順精神未衰於老成實具典刑在司理誠為師表兼本臺執法如侃者議斷公平情文兩得至此理宜陞用以表良能

秋澗先生大全文集卷第八十九

烏臺筆補

舉河南士人陳天祥事狀

今體訪得河南府士人陳天祥沉正有為達於從政
隱居嵩少相近十年讀書種田不求仕進中統三年
大名宣慰司曾將天祥擢充新軍千戶勾當鎮守三
汭等處聊復効用已有能稱今國家經畧江漢得材
為急其陳天祥久播學優之譽適丁強仕之年合無
就令河南行中書省舉用以試所長

為盜賊糾治真定官吏事狀

今體訪得真定府即目羣盜公行或竊或劫無所畏
避據前月上半月內一夜之間失事者凡二十餘處

秋澗先生大全文集卷第八十九

烏臺筆補

舉河南士人陳天祥事狀

今體訪得河南府士人陳天祥沉正有為達於從政
隱居嵩少相近十年讀書種田不求仕進中統三年
大名宣慰司曾將天祥擢充新軍千戶勾當鎮守三
汭等處聊復効用已有能稱今國家經畧江漢得材
為急其陳天祥久播學優之譽適丁強仕之年合無
就令河南行中書省舉用以試所長

為盜賊糾治真定官吏事狀

今體訪得真定府即目羣盜公行或竊或劫無所畏
避據前月上半月內一夜之間失事者凡二十餘處

如高奴千戶任子齊等家縱火恐喝盜取財物是也其府官司巡捕無方但薄暮聲鐘辨明啓閉使闔城之民遇夜驚懼寢處不安顯見府司官吏罷懦不職威令莫行不能消弭擒制以致如此且真定為燕南劇鎮又連年蝗旱艱於衣食者衆此風大不可長恭詳上司若不早為規畫督責官吏嚴行禁止切恐因而別生事端深繫利害據此合行糾呈

請禁治穢惡語言事狀

切見中都市井小民行言立語多作穢談以至父子兄弟不能迴避行歷切恐久而成俗以為尋常據穢濁風俗莫此為盛甚恭詳係有司不能肅清所部以致如此兼京兆風俗之厚合行禁止以革薄俗

論居官身故等官員子孫承蔭事狀

會驗中書省欽奉

聖旨條畫內一款諸取蔭官不以居官去任致仕身故其承蔭人年及二十五以上者聽照得今者身故官員子孫已擬叙蔭其居官去任子孫應蔭者至今未見施行外據致仕官子孫往往亦未蒙定奪如真定張宣撫子復前泰安州尹趙德庸子符是也卑職恭詳即今貪冒成風恬不知退如一二以理致仕者宜蒙顯異若應蔭子孫反為遲疑不蒙定擬祇以身故者聽叙是使為子孫者得父祖早故為幸非所以進廉隅而激貪鄙也兼照得舊例諸養素丘園徵聘不赴者子孫尚得以徵官為蔭况職官清要歷年深

遠者之 予理合比父祖身故者即令叙蔭為當其
居官去任子孫亦合依奉
聖旨條畫定奪施行

為救治虫蝗事狀

蓋聞天災流行

國家代有氣和則致祥氣乖則致異此必然之理也
然災有大小而蝗旱為最今會驗得隨路節次申蝗
蝻生發至今月內計二萬一千九百三十三頃四十
三畝除已絕外未絕一萬五千八百六十二頃三十
三畝又有不見頃畝一百餘處炎炎不已深為可憂
如比年以來山東等處連值蝗旱民至有麩橡實掘
黃精煮野菜而食者雖包銀權倚而盡徵到官課額

訴難而依前恢办向非

聖恩賑濟鮮不飢殍轉死溝壑今者蝗之氣勢滋盛
如此是上天之意儆戒深至誠不可不謹苟非以德
勝妖全藉人力恐百姓重困過于前日其為利害孰
大於斯今來叅詳其或大臣不和政事有關官吏不
公百姓失所刑賞雖行而或疾風俗極惡而未醇又
如各路見禁一千三百餘人幽禁囹圄不無冤滯加
之用兵興役僉軍屯田包添絲銀協濟軍力分房益
戶輸粟餉邊遠近騷然未為無事從是而觀致傷和
氣恐此之由而又迤南州郡蠶麥薄收磬磬之民止
望秋成以供王事不幸繼以蝗旱萬一成災將若之
何豈惟經費不足貧民衣食先乏衣食乏則飢寒至

飢寒迫則盜賊生盜賊滋則非國家之便也竊見朝
省近年以來救捕雖力終莫殄絕不過差官督責州
郡併力撲滅不致流徇而已未有以時事言者以某
愚見為大臣者當恐懼修省恪儆天戒任責極言陳
其所以不然切慮 朝廷不能盡知何則方今
明天子在上聖慈神惠子愛兆民哀矜憫恤軫慮惟
切今災異如此又恐遠方小民不知存恤之意誠宜
緩不急之務下寬大之
詔發倉廩賑貧乏致禱山川為民祈謝據被災去處
驗其輕重量減今歲差稅又宜先遣相臣分省中都
使鎮撫中外規畫事宜以安以慰庶望京畿之間民
心安帖物不湧貴災沴漸消民易為力不致重困因

而別作事端

為犧牲在滌不及九旬事狀

蓋聞國之大事實先祀典祀禮以敬為主物品以潔
為先故唐金之制大祀養牲在滌九旬中祀二旬今
體知得太廟歲祀犧牲有司臨時取辦在滌不及兩
月即用就事者詳三牲之養遠期三月本欲盡誠敬
而極精潔也今者大祀之禮降而甫踰中制於理實
為未應誠有司之慢也合無照依舊例改正施行

舉陝西儒士楊元甫事狀

伏聞 國朝議國學教胄子遴選師儒以克司業助
教博士之職切見京兆儒士楊恭懿姿稟高明學淹
經史千言過目成誦不遺今年幾知命教授鄉閭其

孝行足以化服一方其廉介足以振厲薄俗隱德丘園不求仕進如往者兩省交辟欲置之幕府庶諮論議以勸將來至職名祿養辭皆不受德業日新簞瓢自若誠清廟之珪璋士林之杞梓也其或擢彼國庠置之館閣試其行能可收實用又念即今上而監司下而州郡凡所薦舉多蒙省錄其在憲臺尤宜獎率伏乞詳酌施行

為罪囚醫藥事狀 許獄丞行

體訪得大興府在禁罪囚自今年二月初至今月二十日節次死訖二十一人俱係因病身故切詳見禁四百餘人又照得隨路已立司獄官三十餘處即目暑氣蒸騰病者甚衆雖官差醫工輪流者治合用藥

物悉皆自備如遇重證止是依例應付實非對症修合以致往往耽誤人命又念犯得罪當死不可於未鞠問及抵法以前因醫庸藥闕而以病殺之也其間雖有寬濫當宥之人悔將何及檢會舊例獄囚病患官給醫藥救療合無將應用藥餌官為收買給付獄官臨時對症用度庶望不致耽誤死損人命

論成造衣甲不宜責辦附餘物料事狀

伏見

國家即目征伐四出所除甲器最為重事緣甲不如法所係人心勇怯勝負關於一時故晁錯有云甲不堅密與袒裼同今體察得在都甲局并外路今年納到至元六年常課皮甲斤重不同者在都局有三十

五斤及三十七八斤者真定順天東平等處却重四十斤四十一二斤者斤重既是爭懸生活不無好弱又體知得省部遍下隨路四十餘局取要排年附餘數目似有未便者若上司元降物料一切合宜不當取要附餘既取附餘是元降物料上司不曾確實計料有無相應致有多餘之數若此是在有司立法當與不當耳至如弓局舊例每弓一張物料錢鈔兩貫又有傳忽都告減作一貫二百文

聖旨為久遠生活上定作一貫四百文造弓一張上司既無打算工匠又甚便當卑職參詳今後亦合將衣甲事理再行定奪實用酌中物料使一切合宜及甲之斤兩定擬畫一體例管得成造如法其稍有不

中程度者嚴行究治可也不宜責辦附餘以致官匠兩難兼衣甲難比其餘器械所貴堅良精緻及主者之工匠氏之能也若專以要取附餘為功不以甲之好弱為念一旦用之陣敵斷不能遮護身體有悞人命是有司以附餘為重以人命為輕也據此合行具呈

彈阿海萬戶屯田軍人侵占民田事狀

欽奉

聖旨條畫內一款該兼并縱暴及貧窮冤苦不能自伸者委監察並行糾察欽此今察到武清縣北鄉等處有阿海萬戶下屯田軍人於至元二年倚賴形勢於上司元撥屯田地段四至外強將諸人莊子及開

耕作熟桑棗地土侵奪訖二十餘頃俱是各家係稅地數往年雖經陳告總管府行下本縣歸着本縣累次約會本官不到至今不曾吐退就責得各地主狀供與所察相同卑職者詳本鄉兩面河占中間地土窄狹今者強為軍人奪占使農民至有失業者所謂兼并縱暴貧弱冤苦不能自伸者莫此為甚據此合行糾彈伏乞御史臺照詳施行今將侵占訖諸人地段數目開具如右

彈西夏按察司行移違錯事狀

今體察得西夏中興提刑按察司於今年二月內為本處納憐等站脫脫禾孫等告舖馬瘦弱見無料食事備詞申覆戶部為此追照行卷與所察相同今來

叅詳各道按察司凡有合申事理即令申臺照詳即與六部元行移體例今有西夏中興提刑按察司官署銜連名不經御史臺徑為申覆尚書戶部似為不應據此合行具呈

論渾河泛溢請修治堤堰事狀

伏自今月內武清縣北鄉按部回至洪濟鎮值渾河泛溢其瀕水民家已為淹沒若湯湯不已大有可慮者因行視堤堰水勢東南至孫家務西北至本鎮南東西橫亘約十五餘里其堤堰低狹高濶不過丈餘又年深頽剝衝渲一土埭而已河水伏槽時視堤南平地尚下數尺兼土脉疎弱土性善崩黃猫野鼠穿穴又多固不足以禦大患捍水衝萬一泛決沛然莫

禦而堤南二十餘邨人畜田廬盡為漂沒其害又非
重蝗之可比也就問得孫家務一帶去年秋已被災
傷但不致太甚耳外據漸陰縣東北沙渦口等處畧
與武清縣北鄉事勢相同即日縣西北近河堤南田
禾已在水中及有滄死頭畜合無專令各縣正官一
員晝夜巡防堤備破決以望不致疎虞總候農隙令
都水監官相視堤岸疎惡去處如法修築使一方永
逸以絕水患實畿內兩縣之大利也某職當司察親
覩利害不敢緘默自取言責據此合具呈

請立四方館事狀

伏見遠方朝貢使人每歲至京師者既無館舍以頓
輒於民間豪富之家倉皇安置似有未便者三堂堂

大國不以全示之勢昭示遠人一也既擇朝官陪位
豈非示其文物有人然處之民家殆非得體又慮不
無窺測民間事情以見淺深二也至於騰移房屋相
爭與奪之際致被竊笑三也如近日交趾使人
大夫黎仲陀中散大夫丁拱垣等館于王子華
及安置使貢物狼籍于外者是也合無建立四方館
以一切奉使處之如此不惟
聖朝盡懷遠遇下之禮抑使遠方來者觀 上國之
光 免夫三者之虞實為便當

彈漕司失陷官糧事狀

欽奉

聖旨條畫節該倉廩減耗為私蠹害委監察並行相

察欽此伏見 國家歲計糧儲必須百有餘萬方可
足用 朝廷為恐中間失悞爰自往年特改漕司併
令劉晟等提舉一切勾當故合設官吏內外必備奉
又為不輕所期盡心俾稱厥職今體察得數年之
間其盜用失陷短少及糜爛等糧一十六萬四千餘
石又察得至元五年未到倉糧一十五萬餘石除已
經失陷外八萬九千餘石至今不知運納所在就問
得 朱英與所察相同問者省部摘差 官親詣
盡 真本司欺昧止將六年糧數總作 入納隨
倉 見在飾詞破說用相牴牾中間虛 明不可
五年守凍糧斛一十五萬餘石於本年
人數目至今年二月內尚

餘石不知所向却稱至元六年糧數至今年九月終
隨倉起運交納止有二千餘石且綱運先後交輸程
期自有次第不應挽亂如此豈有五年未畢委棄不
問而復越漕六年新糧恐萬無此理詳此一端其虛
冒飾說槩可見矣叅詳上項事理不過非其人故也
盖自古錢穀大計莫不精選才能清慎明著善於其
職者克之固非素不綜練挾私蠹公之人可以倚辦
因體察得本司官屬其劉晟者拔自行間素乏心計
剛愎自用不有同僚佐貳者因不和同互相雄長上
下苟且因仍耽悞遂失關鈐致綱紐解弛廢壞如此
至于中外聞者莫不憤嘆其在有司理當云何其劉
晟又于通州等處為起蓋倉廩用便已私營置物業

撒橋梁而阻滯驛程奪民利而一空舊渡倉司既非
久諳運道又不快便公私之間兩有所害今復改作
重費 國用其為私蠹害又所當問照得欽奉
聖旨節文該勾當了的公事不稱所倚付的心據劉
晟等廢亂職務不稱所倚孰大於斯據本司官吏不
為盡心大失關鈐宜一切替罷公選廉能清慎善於
其職者克之及隨路河倉楊村守凍失陷損壞已未
納見在糧數乞選差清幹職官親詣盤詰如此庶望
上下一新積弊可革不然無以飭厲其餘以救將來
外據都城內外倉分有無照依漢唐故事隸屬司農
司兼行管領深為長便某職司言責利害深重愚衷
所激誠不敢避忘罔盡所言合行一就糾呈

論復立博野縣事狀

照得至元三年欽奉
聖旨節諫州城畸零去處不滿千戶者斟酌改併民
戶多者從長定奪更當衝要驛程不須改併欽此今
體知得自去年新抄戶後隨路州縣往往有至三四
千戶者至今依舊合併管領極有不便當者畧舉順
天路初州博野縣併入蒲陰縣分是也其博野縣即
目諸色人戶二千八百餘戶中間百姓事不便當者
非一如科着船戶補闕蒲陰縣弓兵故將本處上戶
商堅等六戶取克及撥降一切差役往往偏向不均
至於送納賦稅勾攝聚集詞訟等事不惟往復遠寫
其沙澹磁三河經值秋夏水發潑漫相接抵和州迤

東一蹶流行阻滯人難又兼本縣蠡州南至安平界
首相去七十餘里正當衝要驛丞爰自合併以來節
次失過盜賊截劫訖官民財物致傷人命者無慮十
數就問得本處人戶賈佐等與所察相同恭詳博野
正縣理合依舊復立縣事深為安便外據隨路見併
州縣如新抄戶後數滿千戶之上者亦合從長定奪
復立舊治為當至於隨路在先曾合併縣分為中間
百姓不便已有復立去處如上都縉山平灤撫寧真
定贊皇太原樂平俱係三五百戶縣道又如無城邑
者又復設立如河間無棣縣於八湖口置司延州延
津縣於史迥店置順德廣宗止於本鎮置司是也據
此合行舉呈

論科舉事宜狀

伏見

朝廷發明詔議科舉以取進士蓋欲明公道廣仕途
以革徼競之風選人材收實用致隆平之化然聞禮
部所擬止以經義詞賦兩科取人伏慮淺狹拘窒於
國於士兩有未盡必期登俊良遠庸鄙總攬群材經
理世務蓋有後其所先先其所後者矣鴻惟

聖天子渴於文治聽言如流凡所制作取唐為多兼
國朝科舉之設自戊戌以後未遑再議天下之士往
往留心時務講明經史提筆著述一尚古文顧惟舉
業多未素習一旦舉非其人不適於用反為科舉之
累矣今檢會到李唐之制其取士科目不常率相時

置科以待非常之士其初試殿試止以策問取人如時務則試方畧止五道直言極諫等策秀才則博學宏詞及道侔伊吕才堪郡縣下筆成章茂材異等皆其選之首也故得士之多唐最為盛以其愚見審量時勢必欲急得人材以收實用莫若以時務對策直言極諫切中利病有經畫之略者為首選何則試以錢宋為言自渡江以來以一隅之地偷生百年者正以多士濟濟崇尚議論有用之學故也其次以博學宏詞兼試典禮議一道如禘祫齋卽之議者為中選其經義詞賦兩科乞轉經出題先為布告中外使學者明知所嚮謂如今年書明年詩限以幾時然後赴試其格律畧除苛細如故實景象明水干羽金在鎔

之類例皆為命題如此不致隔礙長材使得展手筆以盡其器能不數年則五經可以通治矣然後使天下之人知

大聖人制作出于尋常萬萬其有用實學為

聖朝英特之選一洗遼金衰蕩不振之氣豈不盛歟如此當國計者上可以副

朝廷用儒之實下可以待俊造非常之士盡遺賢於網羅收實用于中外則文治之功隆平之化可計日而待矣某職當言責事或未便不敢緘默輒冒昧敷陳

彈博州路烏總管老病狀

今體察得烏古倫居真殘忍嗜殺貪冒無厭向列東

曹以尸祿位及審囚徒大致違錯今年近八十氣志昏耄當官臨事轉瞬遺忘就問得本路司吏張玠與所察相同而復不時昏暈頭目發眩至提視衣物畧不知識欲望裁斷如流神明其政不可得矣兼照得博州路鞞管軍民三萬三千餘戶一方休戚繫在師帥今乃若此其於大小事為稍有蹉跌斯民何辜橫被抑屈若以老病不勝本官首宜論列合行糾舉以勵其餘

冬旱請祈雪事狀

切見隨路蝗災經今數年山東河南其勢尤甚今遺種遍地儻災更不已飢荒盜賊何所不有若及此出冬以來得三兩大雪庶可消弭以絕根種古語有云

冬雪一尺蝗子入地可死今去春節僅三十餘日照得中都及迤南路分自八月至今天不雨雪小麥青黃半掩乾土雖雲陰屢作終無大潤恭詳惟有以精誠感格神明致禱嶽瀆為民祈謝而已不然令各路總管府官或郡守躬親祀禱部內山川并社稷等神以示 朝廷優卹元元至意庶望和氣一回普霑嘉瑞使民心慰安且忘積年飢乏撲滅之苦

太廟祭器合改造事狀

伏念古之君子朝服祭器不假于人况太廟之祭器乎今體訪得太宮大祭所用鼎彝等器多係殘宋賜功臣家物如臣京敏中邦昌等器是也恭詳自古有國有家者未聞

祖宗神靈而以人臣所用遺器陳列為享於禮誠為未宜然嚮者清廟初建每事草次未遑一新不得不爾今後合無改造新器張皇一代縉典且極夫尊嚴無上之義使

聖子神孫傳之無窮不其盛且當歟

論求仕官就家聽候宣勅事狀

體知得吏部先奉中書省劄付該求仕官員每季遷轉在後慮恐生受擬令每月銓注今切見隨路求仕官員有自去年八月間摘勾到部經今七個月餘未蒙遷轉中間百端生受客寄守待措借無所以致典賣鞍馬等物供給盤費尚然不足不幸更值病疾因而身故尤可矜恤即目在都聽除等官約二百餘員

少者不下半載又州縣闕員甚多似此淹延兩為未便今後合無將來仕人員自到部月日為始限以旬月對憑引驗既畢省會還家若有合祇受宣命官員將合授依舊例差人擎送外授敕官員將敕命發付各路總管府收管令本路祇受照依定去裝束

省限催督赴任庶免人難據此合行呈覆

彈大興府擅注案牘官事狀

今照得隨路總管府元設提領案牘官已是汰罷今體察得大興府却將司吏韓仲禮充案牘官勾當叅詳總府司吏除額設外尚不得增添人數今來本府擅自將報過司吏韓仲禮擬作首領官與朝省差設

經歷知事一同繫歷勾當豈惟干名犯分其於格制是屬違錯據此合行糾呈

彈四川濫給解由事狀

欽奉

聖旨條畫內一款諸監臨之官知所部有犯法不舉

劾者

罪五等糾彈之官知而不舉劾者畫內等欽此又會到中書省條畫內

一款節該各路州府司縣任滿官員當該官司徇情濫給解由體究得實申臺呈省今察到涿州等處州縣去官於任內侵使訖鹽錢工俸累蒙上司追徵並不還家其代官到任亦不依公理問却行徇情濫給與無粘帶解由如此違互欺昧上司致將合追錢鈔至今不能到官事屬違錯據此合行開坐糾彈

彈甲局官玉魯等抵搪造甲皮貨

欽奉

聖旨條畫內一款節該造作不如法者委監察糾察欽此又照得上司元料每甲一副舉吊并裁線古狸皮一十張四分前制府劄付下甲局總管府該依年例計料釐勒人匠如法成造無致用別色低互皮貨抵搪成造卑職于今年八月內體察得中都管甲局官玉魯楊三合自今年二月內造作至元五年常課已造訖甲一百二十副依已料關訖古狸皮一千二百四十八張於內却用馬項子抵搪即問得玉魯等招說為關少古狸皮上是用馬項子作線是實却問得守支古狸皮人高廷傑熟皮提控菜榮稱自至元

六年六月內收支成造五年皮甲古狸皮至七年八
月內計收到古狸皮一千二百五十三張俱係甲局
王知事支訖又問得王知事名君實稱實關訖古狸
皮一千二百三十張據已造了的甲數內委的四次
用訖馬項子八十五箇折訖古狸皮一百七十張是
實今來卑職叅詳既知事王君實依料節次關支訖
上項古狸皮貨玉魯等不合却用馬項抵搪事屬違
錯合行糾呈

論革罷撥戶與煽爐冶事狀

今切見各處鐵冶撥出戶計設立頭目管領周歲額
辦鐵貨令人戶常川煽煉納官官民兩便今畧舉棊
陽并乞石烈楊都事高撒合所管四處鐵冶見分管

戶九千五百五十戶驗每戶包鈔四兩計該鈔七百
六十四定今總青黃鐵二百四十七萬五千六百九
十三斤半價值不等該價鈔四百六十八定二十三
兩三錢三分半比包鈔虧官二百九十五定二十六
兩六錢半及其人戶俱各散漫住坐每遇秋冬煽煉
逐旋勾集復往人難豈為官民有辦如將上項戶計
罷去當差許從諸人自治鑿冶煽煉據官用鐵貨給
價和買深是官民兩便據此合行具呈伏乞御史臺
照詳施行須至呈者

棊陽

戶二千七百六十四戶每戶四兩計鈔一百
二十一定單六兩

辦鐵七十五萬斤每十斤價鈔壹錢計鈔一百五十定

乞石烈

戶一千七百八十六戶每戶四兩計鈔一百四十二定四十四兩

辦鐵二十六萬斤每十斤價鈔一錢計鈔五十二定

楊都事

戶二千戶每戶四兩計鈔一百六十定

辦鐵五十三萬二千三百三十三斤半每十斤價鈔一錢該一百六定二十三兩三錢半

高撒合

戶三千戶每戶四兩計鈔二百四十定

辦鐵九十三萬三千三百四十斤計鈔一百六十定內

青鐵五十三萬三千三百四十斤每十斤價鈔一錢計鈔一百單六定三十三兩四錢

黃鐵四十萬斤每十五斤價鈔一錢計鈔五十三定一十六兩六錢

糾彈良鄉尉司非理拷勘劉德林事狀

欽奉

聖旨條畫內一欵節該巡尉捕盜官捉獲盜賊隨時

發與本縣圓坐推問是實解赴本州再行鞠勘施行
不得轉委吏人及弓手人等拷問欽此今體察得良
鄉縣尉司於至元七年九月內夜本縣館驛內失盜
於當月二十五日有弓手高伯山涉疑捉到涿州人
戶張德林不魯申官私下拷勘勒令虛招及妄指姐
夫劉德林寄藏上項贓物將劉德林拿到亦不申官
一面拷打為無証佐在後撒放於二十七日止將張
德林申發到縣尉司有縣尉楊仲玉又將劉德林勾
追到官重複拷問非理加刑尚為無指証明白事跡
於當月三十日保放還家有劉德林於閏十一月十
三日因拷瘡身死今問得尉司司吏劉君祥并苦主
劉得林妻阿張并當元被接人劉得用詞因俱與所

察相同今來叅詳高伯山止是本縣弓兵別無拷勘
問人體例及縣尉楊仲玉止憑張德林妄指便加拷
勘以致本人因瘡身死又於劉德林劉得用等處掠
取交鈔衣物有此違錯據此合行糾彈

論肅山住等局人匠偏負事狀

伏見呂合刺兒管民戶內撥出人匠二百二十五戶
內謂如真定路萇叅謀甄榮祖吳信魏友係納三定
包銀戶計餘者雖是不及例各酌中戶計然則一丁
入局全家絲銀盡行除免近又將上項戶計撥付本
局另行管領其人匠自來按月支請米四斗鹽半斤
不時更有賞賜錢物其為幸民無甚於此且如肅山
住儲普化兩局人匠俱係迤北人匠拋失家業移來

中都今全家入局造作又為衣食不給致有庸力將男女質典者至甚生受按月支請又無食鹽每口止得官糧二斗五升今來切詳造作乃一體工役然成造之物固有輕重工役各無閒歇何其鹽糧不一若將上項局分相比據肅山住儲普花兩局實為偏負外據呂合刺所管民匠二百二十五戶月支鹽糧合行從長定奪據此須合具呈

論六部職掌繁簡事狀

伏見

朝廷設立六部其官吏品秩相同而職掌繁簡有異如禮兵二部禮以祭祀為大而有太常寺兵以軍旅為重而有樞密院今者錢穀造作一切等事盡歸戶

工至甚繁劇若曹務不有所分則緩急難于辦集合無酌量繁簡令兵禮二部將可分之事一以兼管似為便當且又職掌均一使兩部官吏免尸素之責不然繁者愈繁而簡者日簡矣據此合行舉呈

論霸州道路事狀

切見霸州部分俱諛河流陂浸地面其驛程却係山東正路據本州南至保定縣見行西道相去四十五里中間經過橋梁七座每歲必須依時拆蓋更有修疊水口去處其工役不細須勞縣協濟方可辦集甚是生受兼西道元係前代阻障澹泊堤堰本非正路僅一十七里止蓋橋梁三座若行莫金口東道官民實為兩便據此合行呈覆

論革罷魚牙岸例事狀

伏見魚牙岸例等錢比年以來隨路俱無今體察得中都通判等一十一處其魚牙岸例一依宣課三十分取一至今徵收叅詳魚貨蓆葦一切諸物於所在已納數重課程今者於上更為抽分此等錢穀實是重併兼見蒙聖恩免差發減課額正為百姓生受故也據上項等錢理宜罷去不然亦不當依宣課一體分收有此不應合行糾呈

彈不孝子楊大事狀

蓋聞父母有婢子甚愛之雖父母沒終身敬之不衰况父在之姬妾乎今體察得懷孟路總管子某冥頑無知悖逆有迹近者將父才妾就於寢所輒行毆擊父方營護隨即推仆致令乃父牒發本路究治其同僚看狗視為細微在後畧無施行雖行路聞之莫不憤疾叅詳禮義由賢者出豈有衣冠之胄而為禽犢之行如其敗壞風化孰大於此合行糾彈乞痛加懲戒以勵薄俗

舉三道按察司事狀

今山東東西河北河南山北遼東三道提刑按察使見行闕員未經選注如山東道前任陳祐苟非其選固繼前聲河東道近為元維新事闔司被問威望沮弱山北道上係重地闕員日久此三使舉惟其人能復震疊安靖切見前中書省給事中賈居貞揚歷